



زورگیریں پاکستان ۽ کانودی مٹی ۽ بلوچ راج

نہشتہ کار: ماہ گل بلوچ



بلوچ اسٹوڈنٹس ارگنائزیشن آزاد

www.bsoazad.org

زورگیریں پاکستان ۽ کانودی مٹی ۽ بلوچ راج

گونڈگری

دنیا ۽ ته ۽ همينچو که زورآور بيتگ انت آياں جتائين ترزکارانی بنياد ۽ نزورين راجاناں گلام دارگ ۽ جهد کتگ۔ آفريکه ۽ ته ۽ پرانس ۽ اسپين به بنت يا که پرتگال به بيت يا که ايشياء ۽ ته ۽ ترکی، اسرائيل، جاپان ۽ پاکستان به بنت۔ اشان هر هما جاه که ايردست کتگ انت گڑا اود ۽ هندي مردم اش مجگی ۽ جسدی هواله ۽ نيست ۽ نابود کتگ انت۔ زورگیران گلامين راجانی دود، زبان، بنديتر ۽ شناس يا هر هما شئ که آيانی پجار ۽ گون بندوک انت، کلاناں پُلپانچ کنگ ۽ کوشست اش کتگ۔ به گپت ۽ فين ايردستی سرجم ۽ یک پر تشددین عملے پرچاکه زورگیر تشدد ۽ بنياد ۽ ترا ايردست کنت ۽ آپدا مان تشدد ۽ کمک ۽ اے زورگیری ۽ برجاه دارگ ۽ په هر ممکنين جهد ۽ کنت۔ هم پيم ۽ زورگیری ۽ پنجگاں آجو بوگ ۽ راه ۽ در اوں تشدد ۽ گون بندوک انت۔

بلے بيست ۽ يگمی کرن ۽ تاکت ۽ ايردستی ۽ ترزکار هم مٹ بيتگ انت۔ نو تشدد ۽ همرائی ۽ زورگیر کانود، آئين، جمعوريت، (cultural assimilation) ۽ (historical revisionism) ۽ کمک ۽ چه وتی واک ۽ برجاه دارگ ۽ جهد کن انت۔ هم رنگ ۽ مرچی هم اے گپ پدر بونگ که اے گلين عمل تشدد ۽ کمک ۽ چه برجاه انت۔ اشی ۽ متلب اش انت که ابید ۽ تشدد ۽ زوراک وتی واک ۽ برجاه داشت نه کنت ۽ نا که نزورين راج وتی آجوتی ۽ گپت کنت۔

اے نېشتانک ۽ بنکی مکسد پاکستان ۽ بيست ۽ ششمی ۽ بيست ۽ هپتمی آئينی ترميم، اشانی سر ۽ پاد اتکگين جُست ۽ دگری، اشانی کاربندگ ۽ ترزکار ۽ بلوچ راج ۽ سر ۽ اشانی سانان سرپد بوگ ۽ اے آسر ۽ سر بوگ انت که ديمتر ۽ بلوچ راج استانی پندلانی ديم ۽ چون داشت کنت۔ اے ترميمانی گيشوار کنگ ۽ پيسر مارا زانگی انت که ايردستين چاگردانی ته ۽ آئين ۽ کانود چی پيم ۽ کار کن انت؟

پجار:

ايردستين چاگردانی ته ۽ کانون ۽ عدالت اے هاتر ۽ آرگ بنت که استان ۽ زور آوری ۽ گيش توانگر به کن انت پرچاکه اے کانودانی بنکی مکسد ايردست ۽ لُٹ ۽ پُل انت، دانکه هم کانودانی بنياد ۽ آيانی راجی زرمبشت نزور يا که هلاس کنگ به بيت۔ زورگیر ۽ جهد هميش انت که آ هم کانودی ڈهانچه ۽ ايردست ۽ سر ۽ وتی تشدد ۽ کانودی جواز ديگ ۽ په سلاھ ۽ داب ۽ کارمرز به کنت۔ دومی نيمگ ۽ اے کانود ايردست ۽ هکيگين گهگیری ۽ اير جنت۔ هم آئين ۽ کانون ۽ بنياد ۽ ايردست ۽ مالی چاگردی ۽ سياسی ترام ۽ سر ۽ گون زور ۽ قبضه کنت۔

یک نیمگے ہمے نوک آبادکاری ۽ کانود ۽ بنیاد ۽ زورآور Divide And Rule Policy ۽ ایردست ۽ سرۂ مشیت ۽ دومی نیمگے ۽ ایردست ۽ گھگیری ۽ ناشرکاری یا غیر قانونی ۽ پیشدارایت ۔

زورآور وتی کانود ۽ گوں شدت ۽ سیاسی مہلوک ۽ سرۂ کارمرز کنت اشی ۽ درور مارا جتائیں ایردستی ۽ زمانگان دست کپیت، انجوشکہ (The Rowlatt Act 1919) ۔ وھدیکہ برتانیہ ہندوستان ۽ سرۂ پہ زور قبضہ کنت گڑا گڈاں ہمے کانود ۽ کاریت۔ اشی ۽ تچکیں مکسد اے بوتگ کہ کجام ہم مردم ۽ ابیدۂ مقدمہ ۽ جیل ۽ بند کن یا کہ نظر بند ۽ کن دانکہ راجی جنز نور بہ بیت۔ ہم رنگ ۽ کینیا ۽ تہ ۽ ہم چوہیں درور دست کپیت (The Emergency Regulations 1952-1960)۔ اشی ۽ بنکی مکسد ہمے بیت کہ ماؤ ماؤ جنز ۽ ہلاس بہ کن انت ۽ مردماں ابیدۂ مقدمہ ۽ زندانی بہ کن انت۔

نوک آبادکاری کانود بس تہنا پہ سیاسی آوازنی نور ترینگ ۽ نہ انت بلکیں اے جتائیں وھداں گوں جتائیں ترزکاراں کامرز بیت: پہ درور افریقہ ۽ تہ ۽ وھدے فرانس قابض بیت گڑا آ پالیسی ۽ Assimilation ۽ نام ۽ دیم ۽ کاریت۔ اے پالیسی ۽ ردۂ ہما کہ فرانس ۽ زیردستیں ہند انت اود ۽ فرانس ۽ دود ۽ ریدگ، زبان ۽ اقدار آلم ۽ وتی کنگی انت۔ اشی ۽ مکسد اش بیت کہ گلامیں راج ۽ چہ آئی ۽ دود ۽ ریدگ زبان ۽ بندپتری شناس ۽ چہ گستا دارگ بہ بیت، دانکہ آ وتی آجوئی ۽ جھد ۽ چہ دستبردار بہ بنت۔ اے ترزکار مہلوک ۽ سک باز سانمند کنت۔

چوناہا زورگیری نظام ۽ تہ ۽ نوآبادکاری کانود گیشتر برتانیہ ۽ کارمرز کتگ۔ پدا رند ۽ فرانس ۽ ایدگراں وتی زیردستیں ہندانی توک ۽ کارمرز کتگ ۽ گلامیں راجانی گھگیری نور ترینگ ۽ جھد کتگ۔

پاکستان ہم چو برتانیہ ۽ ایدگہ زورآورانی پیم ۽ بلوچستان ۽ تہ ۽ جاہ کنگ ۽ ہاترۂ کانودی وسیلہ کارمرز کنگ ۽ انت۔ بلوچ سیاسی رہشونانی زندانی کنگ، گار ۽ بیگواہ کنگ ۽ رند پٹی ئیں کنتاں دور دیگ ۽ سیاسی گلانی سرۂ پابندی جنگ اشاں ما اگان بچار این ہمے کانودی کارمرزی ۽ وسیلہ ۽ چہ بوتگیں کرتن انت، دانکہ بلوچ راج ۽ گھگیری ۽ نور بہ کنت ۽ آیاں چہ راجی جھد ۽ گستا بہ داریت۔

پاکستان ۽ آئین ۽ تہ ۽ روچ پہ روچ ترمیم آرگ کہ اے گیشتر چہ فوج ۽ سرپرستی ۽ بوہگ ۽ انت دانکہ آئی ۽ واک گیشاگیش مہکم بہ بیت۔ 1973 ۽ آئین ۽ کارمرزی ۽ رند پاکستان ۽ آئینی گوستانک Political Instability ۽ آماچ انت ۽ یکشلۂ ترمیم آرگ پاکستان ۽ تہ ۽ اے Po-litical Instability ۽ تچکیں درورے۔ اے ترامیم گیشتر فوج ۽ ایدگہ ادارہانی ماں عدلیہ ۽ نگاہ ۽ واکاں گیش کنگ ۽ ترزکارے۔ اے سرجمیں ترمیمانی تہ ۽ فوج ۽ مزین کردے دانکہ آوتی واک ۽ آمریت ۽ گیش جواز بہ دنت۔

پاکستانی دانشورانی ہساب ۽ ہزدہمی ترمیم ۽ چہ جمہوری دیمروئی ۽ اتنگ کہ آئی ۽ تہ ۽ ہاس پالیمانی نظام ۽ جاور گہتر بوتگ انت۔ اے ترمیم ۽ تہ ۽ نام نہادیں صوبائی خودمختاری دیم ۽ آورنگ ۽ آئین ۽ تہ ۽ بنکی ہک گیشتر مہکم کتگ انت۔

ہم رنگ ء بیست ء یگمی ترمیم ء تہ ء فوجی عدالت جوڈ کنگ بنت ء بیست ء ششمی ترمیم ء ہساب ء وفاق ء گون بندوکیں ہند خیر پختون خواہ ء گون ہوار کنگ بنت ء بیست ء ششمی ترمیم ء تہ ء عدلیہ ء گیشتر پلپانچ کنگ ء جہد کنگ بیت ء بیست ء ہپتمی ترمیم پاکستانی آمیدگسی ترام ء راہ ء آڈاندے بیت۔

بیست ء ششمی آئینی ترمیم ء آئی ء سرء ایراد:

پاکستان ء آئین ء تہ ء بیست ء ششمی آئینی ترمیم بیست ء یک اکتوبر دو ہزار بیست ء چار ء وھد ء پارلیمنٹ ء چہ منگ بیت۔ اے ترمیم ء تہ ء بیست ء ہپت شک ہوار انت کہ آمیدگسی ء پارلیمانی ترام ء تہ ء مزین مٹی ء بدلی ے کار آنت۔ اے بدلیانی سیادی گون ججانی گچین کنگ ء آمیدی ء کانودی واکداری ء گون بندوک انت۔

اے ترمیم ء تہ ء سپریم کورٹ ء نوٹس زورگ ء واکداری ء پچ گرگ ء چیف جسٹس ء مدت ء ملازمت ء سئے سال ء داں مہدود کنگ، ججانی گچین کنگ ء ہاتر ء جوڈیشل کمیشن آف پاکستان ء جوڈ کنگ ء سپریم کورٹ ء تہ ء الگین بنچ اڈ کنگ ء صدر یا وزیر اعظم ء دیم داتگین پیشنہادانی سرء عدالت ء سوال کنگ ء ہک ء پچ گرگ، پارلیمانی نگاہ ء گیش کنگ ء پارلیمنٹ ء تہ ء دوازدہ رکنی کمیٹی ے اڈ کنگ ہوار انت۔

اے کمیٹی گچینی نمائندگی ء ہساب ء چہ جوڈ کنگ بنت کہ آئی ء تہ ء سپریم کورٹ ء سئے سینئر ججانی تہ ء دو کس ء دو سوائی ء ہساب ء پاکستان ء چیف جسٹس نامینگ ہوار انت۔

پاکستان ء تہ ء بیست ء ششمی آئینی ترمیم ء آسر ء آمیدگسی اسٹریکچر ء ججانی گچینی ء سرء مزین مٹ ء بدلی ے گندگ بیت۔ بازیں کواس ء سیاسی تجزیہ کارانی گشگ ء رد ء اے گام آمیدگس ء ایدگہ استانی ادارہانی میان ء واکداری ء سانمند کنت۔

پاکستان ء بیست ء ششمی ترمیم ء سرء انسانی اگبالانی گل ء میاں استمانی گلاں نگد اوں کتگ۔ اے ترمیم ء بنیاد ء پاکستان ء آمیدگسی نظام ء تہ ء مزین مٹ ء بدلی کیت کہ اشانی سان ہاس سپریم کورٹ ء ہائی کورٹ ء جوڈشت ء ترزکار ء سرء کپتگ آنت۔

میاں استمانی ادارہ انٹرنیشنل کمیشن آف جسٹس (ICJ) ء کارگشاد سینٹیا گوکانٹن ء رد ء اے ترمیم آمیدگسی گچینی ء عمل ء سرء سیاسی سان ء گیش کنگ ء پہ دیم ء آرگ بیتگ۔ آئی ء رد ء اے ترمیم ء چہ آمیدگسی نظام نزور بیت انت، ء اے ادارہ ریاستی ادارہانی دیم ء انچو لاجار بنت کہ انسانی اگبالاں پہاز ات کت نہ کن انت۔

سینٹ ء پیش کنگ ء چندین کلاکاں رند اے ترمیم منگ بیت۔ یک شمبے ء شب ء بیست اکتوبر ء اے ترمیم تیار بیت ء دومی روچ ء بیست ء یک اکتوبر ء قومی اسمبلی ء پیش کنگ بیت ء منظور کنگ بیت۔ صدر ء پیشدارگ ء چہ رند سرکاری گزٹ ء چہ چاپ کنگ بیت

اشی ء سرء عوامی ہج وڈیں جست ء پرس ہوار نہ بیت ابیدء آیانی جست ء چہ دیم ء آرگ بیت انت۔

کانٹن ء ہمہ ردء گشتگ کہ اے سک ء ہترناک انت کہ یک اژدری ئیں کانودی ترمیم چیروکائی بیست ء چار کلاکانی تہ ء آرگ بیت ء آئی ء منظوری دیگ بیت۔

اے عمل کانودی حکمرانی ء اختیارا تاں بھر ء بانگ کنت، اشی ء ہوار شہری ء آیانی گچین بیتگین نمائندہ ہم ہمہ رنگ ء سانمند بنت۔

بیست ء ششمی آئینی ترمیم ء سرء پاکستان ء تہ ء ہاسکار آمیدگسی آجوتی، کانودی پادمالی ء جمعوری رہبندانی ہوالہ ء مزین باوستہ پادکیت۔ اے ترمیم ء چہ رند جوڈیشل کمیشن آف پاکستان ء نظام ء تہ ء مٹ ء بدلی آرگ بیت ء چیف جسٹس آف پاکستان ء گچین ء کنگ ء ترزکار ء تہ ء مٹ ء بدلی آرگ بیت انت۔

اے ترمیم ء حساب ء ججاں گستا کنگ ء بے سر ء پادیں ء چیریں ترزکار بے گندگ ء کیت انت۔ نگدکاری گشتگ انت کہ اشی ء چہ ججانی گچین بوگ ء یگر بوگ ء عمل ء سرء سیاسی سانمند بے گندگ بیت کہ آئی ء حساب ء چہ آمیدگسی آجوتی سانمند بیت ء ججانی سرء پریشر آرگ بیت انت۔ پیسرء چیف جسٹس ء گچین بوگ ء ترزکار اے بوتگ کہ درستان چہ سینئر جج زورگ بیتگ ء ججانی یگر بوگ ء سیاسی ساے نہ بوتگ۔ آترزکار جوڈیشل کمیشن ء سپریم کونسل ء بنیاد ء چہ اڈ دیگ بیتگ۔ بلے نوں سیاسی ء پارلیمانی نمائندہ کانود ساز کمیشن ء بھر انت ء قومی اسمبلی ء باسکی ء بنیاد ء اقلیتی نمائندہ ہم بھر زرت کن انت۔ اشی ء ہواری ء جوڈیشل کمیشن ء کانودی بینچ ء جوڈ کنگ ء واک دیگ بیت انت۔ ہمہ حساب ء آمیدگسی ترزکار ء سرء ادارہی ء سیاسی سان گندگ ء مزین امکان پدر بنت۔

اے بدلی میان استمانی رہبندانی ردء شک ء نگاہ ء چارگ بنت۔ اقوم ء متحدہ آمیدگسی آجوتی ء رہبندانی ء میان استمانی شہری ہکانی حساب ء ججانی گچینی جانبدار مہ بیت ء ججاں ملازمت ء ہک بہ رسیت۔ ء آیاں جیڑہانی بنیاد ء چوشکہ نا اہلی یا کرپشن ء جیڑہانی سرء یگر کنگ بیت۔

نگدکاری گشتگ ء ردء اے ترمیم رہبندانی پادمالی ء کنت پرچاکہ اشی ء تہ ء ججانی یگر کنگ ء بگر دانکہ پیسلہ سازی ء تہ ء سیاسی دزمانجی ہوار انت۔

جوڈیشل کمیشن ء دویر جوڑینگ:

ججانی گچین کنگ ء جوڈیشل کمیشن ء بنیاد مٹ کنگ بوتگ انت۔ چوشکہ گوست ء کمیشن ء تہ ء آمیدگسی نمائندگی گیشتر بیتگ انت بلے نوں اے نوکین ترام ء تہ ء پارلیمانی نمائندہانی کساس ودینگ بوتگ کہ اشی ء تہ ء ہمہ مکسد ء قومی اسمبلی ء سینٹ ء باسک

ہوار کتگ انت ء یک سیٹے اوں گیش کتگ آئی ء سر ء زالبولے یا کہ غیر مسلم باسکے آرگ بیت۔

زانتکاری گشگ ء حساب ء اے مٹ ء بدلی ء چہ رند ججانی گجینی ء عمل ء تہ ء قومی اسمبلی ء سینیت ء باسکانی کرد پیسر ء چہ گیش بیت۔

چیف جسٹس ء گجینی ء نوکیں ترزکار:

اے ترمیم ء چہ پیش سپریم کورٹ ء درستان چہ سینئر ترین جج وت چیف جسٹس ء آگدہ ء اتنگ بلے نوں یک پارلیمانی کمیٹی ے کیت ء سے جج ء تہ ء یگے گچین کنت اے کمیٹی ء تہ ء سینیت ء قومی اسمبلی ء باسک ہوار انت۔

سپریم کورٹ ء واک:

اے ترمیم ء بنیاد ء سپریم کورٹ ء بازیں گجینی واکنی تہ ء مٹ ء بدلی ہاس ہمے سپریم کورٹ ء جند ء نوٹس زورگ ء ترزکار یا دگہ بازیں کانودی جیڑہانی سرے سپریم کورٹ ء دزمانجی ء اختیارات مہدود کنگ بیت۔

آ دگہ پوائنٹس:

- کانودی ترزکار ء جاہ ء مقدماتانی گوشدارگ ء ہاترے نوکیں بینچ جوڈ کنگ۔
- ججانی دز کشتی ء رہبند ء تہ ء نوکیں شک مان کنگ۔
- سبوتانی پیش نہ کنگ ء سوب ء ججانی سرے کاروائی ء عمل۔

یک نیمگے زانتکاری گشگ انت کہ اے ترمیم آمیدگسی نظام ء گیش مہکم ء جوابدہ کنت بلے دومی نیمگ ء نگدکاری ہیال انت کہ اے آمیدگسی وت واکي ء سرے مزنیں سان دور دنت۔

بیست ء ہپتمی آئینی ترمیم:

پاکستان ء بیست ء ہپتمی آئینی ترمیم نومبر دو ہزار بیست ء پنج ء شہباز شریف ء حکومتی ء وھد ء دیم ء کیت، اے ترمیم ء کمک ء کانودی نظام ء تہ ء مزنیں مٹ ء بدلی آرگ بنت کہ آ آمیدگسی یا فوجی ترزکار وفاق ء صوبہانی چست ء ایرانی سرے انت ۔

اے ترمیم ۽ حساب ۽ آمیدی نظام ۽ تہ ۽ نوکیں مٹ ۽ بدلی آرگ بنت کہ آیانی بنکی مکسد آمیدی ترزکار ۽ واکداری ۽ دویر گیشوار کنگ انت، ۽ ہمے حساب ۽ آمیدی جتائیں ادارہانی میان ۽ واکداری ۽ سرۂ ہم مٹ ۽ بدلی آرگ بنت ۽ فوجی جوڈشت ۽ حوالہ ۽ ہم شور ۽ سلاہ ہوار انت۔

بیست ۽ ششمی آئینی ترمیم ۽ چہ رند جاور شرین وڈے نہ گیش اتگ ات انت کہ اسلام آباد ۽ تہ ۽ دگہ یک آئینی ترمیم ۽ باوستے آرگ بوت۔ حکومت ۽ آئینی ترمیم پیش کت ۽ گشت کہ اشی ۽ کمک ۽ ما حکومتی ترام ۽ گیش مہکم کن این، نوکیں کانودی آمیدگس جوڈ کنگ بیت ۽ گوست ۽ ایگزیکٹیو مجسٹریٹ سسٹم بھال کنگ بیت ۽ فوجی کمان ۽ سرۂ ہم چار ۽ بچار کنگ بیت۔

وفاقی آئینی عدالت (Federal constitutional court)

اے مٹ ۽ بدلیانی ردۂ یک نوکیں وفاقی آئینی عدالتے اڈ دیگ بیت کہ آئی ۽ وتی چیف جسٹس بیت ۽ اے عدالت ۽ سپریم کورٹ ۽ لہتیں ارزشت داریں واکداری دیگ بیت ۽ سپریم کورٹ بس دیوانی ۽ فوجداری ۽ اپیلاں داں بندوک بیت ۽ اے آمیدگس ۽ پیسلہ کلیں آمیدگسانی پیسلہ بنت دانکہ سپریم کورٹ ہم ہمیشی ۽ پابند انت۔

ہائی کورٹ ۽ ججاں جوڈیشل کمیشن ۽ پیشنہاد ۽ بنیاد ۽ یک ہائی کورٹ ۽ چہ دومی ہائی کورٹ ۽ برت کن انت۔ اگل یک ججے اشی ۽ مٹگ ۽ ساڈی مہ بیت گڑا آریٹائر کنگ بیت۔

وفاقی آئینی آمیدگس ۽ بابت ۽ آئین ۽ تہ ۽ نوکیں درے ہوار کنگ بیت ۽ آئی ۽ چیف جسٹس آؤکیں سٹے سال ۽ واسٹہ ۽ گچین کنگ بیت۔ اشی ۽ تہ سپریم کورٹ ۽ جج ۽ بگر دانکہ ہائی کورٹ ۽ ہپت سالی ایکسپیرینس داروکیں ججاں بیست سال ۽ ایکسپیرینس ۽ واہنندیں وکیل ہوار کنگ بنت۔ اے عدالت ۽ جج داں شست ۽ ہپت سال ۽ رند ریٹائر بنت۔

اے آمیدگس ۽ اے واکداری دیگ بیت کہ وفاق ۽ صوبہاں ہوار صوبہانی میان ۽ ہر جیڑہ ۽ جنجال ۽ گوش داشت کنت، ۽ اے عدالت اے وڈیں جیڑہانی سرۂ وتی ہیالاں ہم درشان کت کنت کہ آئی ۽ تہ ۽ آئینی ایکسپلینیشن ۽ ارزشت داریں سوال ہم ہوار انت۔

بیست ۽ ہپتمی ترمیم ۽ ارزشت داریں پوائنٹ:

(اولی) سپریم کورٹ ۽ آئینی کردار ۽ تہ کتی:

اے ترمیم ۽ حساب ۽ سپریم کورٹ ۽ آئینی چست ۽ ایرانی سرۂ کتی گندگ ۽ کیت ۽ گیشتریں مقدمات نوک جوڈ بوتکیں وفاقی آئینی آمیدگس ۽ دیم دیگ بنت۔ اشی ۽ تہ ۽ سپریم کورٹ ۽

واکداری نزور گندگ ء کیت کہ آنوں بس لہتیں کیسزاں گوں بندوک بیت۔

(دومی) وفاقی آئینی آمیدگس:

نوکیں وفاقی آئینی آمیدگس آئینی چست ء ایرانی سرء بازیں کیسانی ایکسپلینیشن ء دنت۔ اشی ء چہ پیش ہما کہ سپریم کورٹ ء مقدمات بیتگ انت نون اشانی واکداری ہمیشی ء دیگ بیت۔

(سیمی) ججانی مٹ ء بدلی:

ہائی کورٹس ء جج جوڈیشل کمیشن آف پاکستان ء پیشنہاد ء بنیاد ء دومی ہائی کورٹاں دیم دیگ بنت، اشی ء چہ ابید کہ اے پیسلہ انتظامیہ ء واکداری گورء بہ بیت۔

(چارمی) فوجی قیادت ء واکداری ء گیشی:

نوکیں فوجی جوڈشت ء تہ ء سلاہبندیں فوج ء سروک ء آزمانی ء دریائی واکداریانی تہ ء پیسری ء چہ بازیں گیشی گندگ ء کیت انت۔

(پنجمی) وفاق ء صوبہانی سیادی:

لہتیں شکانی تہ صوبئی وتواکی ء انتظامی واکداری ء سرء وفاق ء صوبہانی سیادی ء جائزہ گرگ کہ اے سیاسی باوستانی مزین بہرے جوڈ بیتگ۔

(ششمی) فوجی کمان ء جوڈشت ء تہ ء مٹ ء بدلی:

آئین ء آرٹیکل 243 ء سرء مٹ ء بدلی آرگ ء چیف آف ڈیفنس فورسز ء نوکیں اگدپے جوڈ کنگ کہ آئی ء ہساب ء سلاہبندیں فوج ء مچانکی کمان ء نزیکہ یکیں دپتر ء تہ ء کنگ بنت۔

زورگیریں پاکستان ء آئینی ترمیم ء بلوچ راج:

گوستانک ۽ ته ۽ مزن مزن ناکتاں په درور برتانيه، فرانس، پرتگال، پاڪستان ۽ وڏين زورگيران وٽي قبضه ۽ برجاه دارگ ۽ هاتر۽ کانود کارمرد کتگ۔ زورگيرين برتانيه ۽ افريکه ۽ ته ۽ تمڻي ۽ هندي مردمانی گر ۽ دار ۽ هاتر۽ په هندي کانود ۽ ته ۽ مڻي آؤرتنگ ۽ وٽي تاکت ۽ زورگيري جواز دانگ۔ هندوستان ۽ ته ۽ برطانوي راج ۽ 1857 ۽ گهگيري ۽ چه رند ريوٺ رپشن ايڪٽ ۽ دکه کانودي ترزگار آؤرتنگ دانکه هندي مردمان گر ۽ دار به کنت ۽ اشاني وتواي ۽ نזור به ترين ايت ۽ برطانوي پانداگان پهاز ات به کنت۔ پرتگال افريکه ۽ ته ۽ وٽي زيردستين هندي کانوداني ته ۽ مٺ ۽ بدلي کار ايت دانکه هندي مردمان گلامين ترام ۽ بهر به کنت۔

اے گوستانکي درور پڌر کن انت که زيردستين چاگرداني ته ۽ زورگيران کانود ۽ وسيله ۽ وٽي نپ رگينتگ انت ۽ هندي راجاں گر ۽ دار کنگ ۽ هاتر۽ يا آياني وتواي ۽ پچ گرگ ۽ هاتر۽ کانود اش کارمرز کتگ۔

بلوچستان ۽ گوستانک هم هم کانود ۽ فوج ۽ زورآوري ۽ شائدي ۽ دنت که پاڪستان ۽ بلوچ ۽ زمين ۽ سر۽ قبضه کتگ ۽ آئي ۽ لٺ ۽ پل ۽ وتواي ۽ پل اٽگ۔ بلوچ راج ۽ چه کرناں وٽي دودمان ۽ زيان ۽ زمين ۽ آجوي ۽ هاتر۽ جهد کتگ، بل۽ دڙمن هستين آئين ۽ ترميم ۽ وفاقي کانود ۽ هساب ۽ چه بلوچ ۽ گهگيري ۽ نזור ترينگ لوٽيت۔

بيست ۽ هپتمی آئيني ترميم ۽ چه رند وفاقي آئيني آميدگس ۽ ديم ۽ آرگ ۽ ججاني گچيني ۽ فوج ۽ واکداري ۽ ته ۽ گيشي هوار انت۔ بل۽ اشاني آرگ ۽ چه رند هم بلوچ وٽي ڏيه ۽ آجوي ۽ چه ڀشت کزن نه بيت ۽ گهگيري کنت۔ دڙمن ۽ لوٺ هم هميش انت که من کانود ۽ کارمرزي ۽ چه بلوچ ۽ جهد ۽ نזור ترين آں ۽ سانمند ۽ کن آں۔

اگان ما گوستانکي نگاه ۽ بچار اين گڙاں برتانيه ۽ هندوستان ۽ ته ۽ کانود ۽ فوجي تاکت ۽ چه هندي مردم ۽ تمن گر ۽ دار کنگ ۽ جهد کتگ۔ افريکه ۽ پرتگال ۽ پراس ۽ وٽي پانداگاني هاتر۽ هندي کانود ۽ آئين کارمرد کتگ انت۔ اے چست ۽ ايراں اوں مرچي پاڪستان بلوچستان ۽ ته ۽ وٽي آئين ۽ کارمرزي ۽ فوج ۽ مهکمي ۽ بلوچ ۽ نזור ترينگ ۽ هاتر۽ کنگ ۽ انت۔

په درور 1857 ۽ چه رند برتانيه هندوستان ۽ ته ۽ هندي مردمان نזור ترينگ ۽ هاتر۽ کانود ۽ کارمرز کنت۔ هم رنگ ۽ پاڪستان وٽي آئين ۽ فوج ۽ واکداري ۽ هساب ۽ بلوچ ۽ زرمبشت ۽ نזור کنگ ۽ هاتر۽ کانودي گامگيج کارمرز کنگ ۽ انت دانکه بلوچ ۽ وٽ واکي ۽ جنز سانمند به بيت۔

بلوچ راج ۽ اے سرپڊ بوگي انت که دڙمن يڪشل ۽ آئين ۽ کانودي گامگيج زورگ ۽ انت دانکه بلوچ ۽ وتواي ۽ جنز ۽ سانمند به کنت۔ اے هم پڌر انت که آئين ۽ کانود ۽ ديم ۽ بلوچ ۽ بس وٽي گهگيري ۽ جنگ مهکم کنگي انت ۽ جهد کنگي انت۔

آسر

زورگيرين پاڪستان نوں بيست ۽ هشتمی ترميم ۽ نيمگ ۽ روگ ۽ انت که آئي ۽ هساب ۽ گيشين

صوبہ جوڈ کنگ ء وفاق ء واکداری ء گیشا گیش کنگ ء جھد کنگ بیت۔ اے عمل ء بنیاد ء بلوچستان ء تہ ء کانود گیش مہکم کنگ ء سلاہبند کنگ ء ترزکار ہوار انت، چریشی ء بنیاد ء بلوچستان یکبرے پدا بھر ء بانگ کنگ ء جھد کنگ بیت۔

اے وڈیں جاورانی تہ ء بلوچ راج ء واستہ اژداری انت کہ آ وتی راجی جنز ء گیشا گیش مہکم، ترند ء آرگنائزڈ کنگ ء یکجاہ کنگ ء جھد بہ کنت دانکہ آؤکیں وھد ء آ دژمن ء دیم ء داشت بہ کنت ء وتی راجی جنز ء گیش مہکم ء توانگر بہ کنت۔

بلوچ راج ء لوٹیت کہ آ دژمن ء کارپد ء پندلاں گوں گشادی ء بہ پھم ایت ء آہانی دیم ء دارگ ء پہ ہمک محازاں جھد ء برجاہ بہ دار ایت۔ دژمن ء یکوئی جھد ہمیش بیت کہ آ انچیں ترزکار ء پندل دیم ء بیار ایت دانکہ آ بلوچ ء وتواجہی جنز ء دیم ء اڈاند بہ بنت، اے نوں بلوچ راج ء سر ء انت کہ ہستیں وھد ء وت ء را گجام داب ء توانگر کنت دانکہ اشی ء سرجمیں پندل بے سوب بہ بنت۔